

V 9
2033




Q



Qk. 199,9.

Donnerstag Jubeljahr 1520

Vg
2033



Antwort Doctoris

Abartini Luthers vor K. M.
vnd Fursten des Reichs
auff ansuchung der bü
cher vnder seinem
namē aufgangen
so er gefordert
auf den Reichs
tag gen
Wormbs.

Im Jahr. M. D. xxi.

78





19

Aller mechtigster Herr Keyser/ durchleuchtigstem
Fürsten gnedigsten Herrn vff bestimpte mir gestern
zu obent termien Erscheynen ich gehorsam durch
barmhertzigkeit Gottes bittende Keyserlich Ma-
iestat/ir Fürsten vnd Herren/wollent diese sache (als ich hoff)
der gerechtigkeit vnd wörheit gnediglich hören/ vnd so ich
durch meyn vnwissenheyt würdige zugehörige Titell irgen
yemant nicht geben/oder irgen eyner weyß der gebrechligkeit/
meyner sprach oder zungenn irren wurde/ gnediglich mir ver-
zeyen Als einem menschen der nicht in Fürstlichen höfen sun-
der in winckeln vnder den mōnchgen gewonet vnd enthalten
Der ich selbst nichts anders von mir sagen magt/dan in der
einfeltigkeit meyns gemüts bis her gelernt vnd geschriben
Allein die ehr Gottes vnd der Christeligen/vnderweysung/
angesehen.

Aller mechtigster Keyser/durchleucht: Fürsten ꝛc. Auff zwey
Artickel gestern durch Keyserlich maiestat mir forgehalten/
nemlich ob ich verlesne vnd erzalte bucher in meinem namen
ausgangen/ bekenn/ als mein. Vnd die selbige zu verzeydigen
verharre oder sie wie forgehalten widderruffen woll/hab ich/
geben schlecht vnd bereydt meine antwort / vff denn vorige
Artickel in welcher ich noch bestendig/ vnd verpleib ewig das
dysse bucher mein/in meynem namen von mir ausgangen. Es
wer dan dar zwischē gescheen als auß meiner verheßer listig-
keit oder vnbequeme weyßheit / etwas in denen verwandelt/
ader vnrecht noch gefolget/ader bößlich außgezogen/das selb-
bige neme ich nicht an/sunder das meyn allein ist/vnd von
mir allein geschriben / ane eynes itzlichen verstandes aufle-
gung.

A Zu dem Andern so ich antworten sol / bitt ich Keyserliche
maiestat vnd ewer Fürstliche werden / wollen auff mercken
das diese meine bucher nicht all einerley seint/dan es seint etlich
in welchen gerechtigkeit des glaubens vnd sitten/also schlecht
A ij

vnd Euangelisch geschriebenn / das meyn widder sacher bes
szwungen werden selbst zu bekennen die selbigenn fruchbar/
vnschadhaftig/ vnd gantz würdig zu lesen/ von Christgleubig
gen Auch die Bull/ wie woll sunst schwinde vnnnd grausame/
erzliche meine bucher vnstrefflich bekennt doch nichts der wes
niger die selbigen verdampt in eynem vrteyll gantz seltsame vñ
wundersam so ich die selbigen nun zu wider ruffen vndersteen
wurd bit doch/ was deth ich anders/ dan das ich allein vnd
allen menschen die warheyt verdammet / welche freunde vnd
feinde zu gleich bekennen vnnnd heth allein aller bekentnus der
eintrechtigkeyt widderstrebt.

¶ Das ander mein schreiben ist in das Papstumb vnnnd der
Böptischenn sachen anfechtung / gleich als in die/ welche in
iren lere vnd bösen leben die gantze Christenheyt bößlich ver
strickenn in todt des geistes vnnnd Cörper / wandt das nicht
leuckenn noch verschweigen yemants magt/ als die erfahrung
vnd beclagung aller Christen bezeugen sein/ durch gesetz vnd
recht des Papst vnd lere der menschen die gewissen der men
schen erbarmlich verstrickt betrübt vnd getödet/ Auch die güt
ter/ gründe/ vnd possession sunderlich in teutscher Nation vn
gleublicher moß verschlunden/ vnd verschlindt noch an ende
in ganzer vnzimlicher weyse / welchs sie selbst in iren eygenn
geystlichen gesetz buchern verbietten/ als Distinc: 9: vnnnd 25.
Q. 1. vnd 2. sagende das die Papstliche gesetz vnd lere / so sie
dem Euangelio vnnnd meynungen der Vetter zu widder sein/
sollen vonn allen Christen vor irsal gehalten werdenn So ich
nun diese bucher widder ryeff / thet ich nicht anders dan das
ich dem Tyrannen stirck zulegt/ vnnnd solcher grosser bößheyt
nicht allein die fenster sunder auch die dö: auff zu thun anfang
das ist das ich nit allein vsach solcher bößheit sunder ganzer
verhelffer were/ welche büberey wurde weyter vnd mer dann
bis anher künlich vnnnd vnstrefflich bescheen / vnnnd geschee
auff rechten diser Reuocation getzeugnuß/ dem gemeyne arme
volck am wenigste zu dulden/ vnd doch bekrefftiget vnnnd bes

stetiget/besunder so mann sich berümen wurde das vonn mir
solchs gescheen auß gewalt Keyserliche maiestat vnd geheysß
in der versammlung der durchleuchtigen Fursten aller Herrn
vnd stende dieses Reichs tags/ O wie groß .ich (du gutiger
got) wurde sein ein verdeckter ader verhalter der schalckeyt vñ
Tyranny.

¶ Zum Dritten hab ich widder ezliche sunderliche Personne
geschriben welche die Römische Tyranny verteydingen vnd
die gerechtigkeit des glaubens vonn mir gelerneth / feldig zu
machen sich besleyssen / in die selben bekenn ich mich scherpfer
dann eynem/ in meynen Profession vnd religion/zymet Auch
acht ich mich keynem heylgen / dartzu von meynem leben ich
nicht/sunder vonn der ler Christi Disputire / solche bucher zu
wider ruffen ist mir nicht fuglich/dan auß dieser Reuocation
widderumb zukünfftig sein wurde das vbel das ir Tyranny
vnd schalckeyt durch meyne beschirm walten vnd toben in
das volck gots krefftiger dan sie ihe regnirt hetten/ Jhe doch
die weil ich ein mensch/vnd nicht got byn / in anderer hülff
meynen buchlein bey steen nicht magt / dan der herz Christus
Jesus beystendigt seyner eygene ler do er vor Anna seyner lere
wart gefraget vnd den backenstreych entpfangen hat/ ant-
wort/ hab ich vbel gelernt gibe getzeugniß von dem vbel / So
nun der herz selbst der do wußt sich nicht irren mögenn / hat
doch nicht verworffen getzeugniß widder seyne lere zu hören
von eynem schnöden knecht/ wie vil mer ich gar vil winger/
der ich nicht kan dan irren / schuldig zu bitten vnd erwarten/
so yemant getzeugniß geben wol widder meyne lere/ Hierumb
bitt ich durch die barmherzigkeit gottes ewer Maiestat vnd
durchleuchtigen wirdenn / oder ein irzlichen zu letzt der oberst
oder geringst / so er magt gebe getzeugniß / zeyge ann meynn
irthumb vberwinde die mit der heyligen geschriefft/ Prophe-
ten/vnd Euangelien/ verwar als dan so ich durch die selbigen
ihrgenn eynen irrigen Artikel belernet wurde byn ich bereyde
den selbigen zu widderruffen/vnd dar zu wil ich sein der erst/
A iij

Der mein yrsal bücher/ so die wie gehort vberwunden/ in das
feuer wirff.

¶ Auß diesem mein ich/ Kunde vnnnd offenbar werde mich ge-
nugsam gethan / vnnnd gewogen/ die vnderscheidt/ ferlickere
vnnnd zwitteracht/ meynere lere vsach/ in die welt erweckt/ von
welchen ich gestert hoch vnnnd festlich vermandt bin/ welchs
mir ist ein sehr lipliche entbildung/ in disen dingen das wort
gots parthey vnnnd zweyspalt gesehen werden/ Wandtwa-
rumb dises worts laufft/ zufall/ vnnnd ausgangt der mossen
geschichte. Als er spricht ich bin nit kommen friede zu senden/
sunder das schwert Mathei am gehenden.

¶ Weiter ist vns zu betrachten/ wie vnser goth wunderbar/
lich vnnnd erschrecklich ist in seynen Rethen/ auff das nicht
durch beflüssigung friede zu machenn/ disses zweyspalts/ so
von dem wort gots verdampt/ mehr anfangt/ vnnnd gan-
zer sindtloß vnleidliches böses erwagst. Auch ist wol auff
zu mercken/ das nicht disses vnser allertrefligsten iunglings
Keyfers Caroli (in welchem vil nach got hoffnung ist) Reich
vnfelig vnd vnglückhafftig werde/ das ich durch gut vnnnd
will exempel der geschuffe von Pharone Babilonische künige
vnnnd den künigen der Irahelischen/ anzeigen magt. Wel-
che sich do zerzeit am aller meistenn verderbet haben/ so sie
mit yrenn weissen Rethen yre künigreich friedsam zu machenn
vnd zubeffendigen sich beflüssen/ Wan er ist der/ der die listige
begreiffet in yrer listigkeit/ vnnnd kert vmb die berge ihrer dann
sy inen erkennen. Derhalben ist von nöttenn dy forcht gottes.
Dyffe worthe sag ich nicht/ das von nöttenn sein meynere lere
vnnnd vermanung solchenn grossenn heuptenn/ sunder nach
dem ich meynen dienst vetterlichem teutschem lande nicht zu
entziehen/ schuldig bin.

¶ Mit dyssem mich ewer Kay. M. vnnnd ewern fürstlichen
wirden beuel demütiglich bitten nicht zu laden von meynere

das widerfacheren fleiß ane vrsach mich eynem leglichen zu w
der machenn.

ges
ckere
von
chs
orth
wa
ssen
den
bar
iche
s/ so
gan
auff
ngs
rich
nnd
nige
Vcl
o sie
hen
stige
ann
tes
r lere
ach
t zu
ent
1168

Nach dyssen wortten/sage Kay. M. Redner in zorniger
gestalde vnnnd geperden gegenn ym/Das er nit antworth geb
die zu der sach dienet/Gepürt im auch mit das er zweyffelich
machen wolt/das er wann in Christenlicher versammlung bes
schlossen oder verworffen wer. Derhalbenn von ym begerde
werdenn/eyn schlechte/ebene/nit krümpt vnnnd gencket antw
worth/vnnnd solt kurz sagenn ab er wolt seyn Bücher wider
ruffen oder nit. Hat Martinus solchem nach/ein gutte einfelt
rige/wol vornemlich vnnnd nicht cornuz antworth gebenn/
gesagt/Neyn ich wils nit thunn.

20

Q 2033

[Faint, mostly illegible text, possibly bleed-through from the reverse side of the page.]

[Faint, illegible text at the bottom of the page, possibly bleed-through.]



von Vg 2033, Ok

ULB Halle

3

002 272 768



f





Inches 1 2 3 4 5 6 7 8
Centimetres 1 2 3 4 5 6 7 8 9 10 11 12 13 14 15 16 17 18 19

Farbkarte #13

B.I.G.

Blue

Cyan

Green

Yellow

Red

Magenta


White

3/Color

Black

Qk. 199,9. *Doctus Indus morus*

Vg
2033



Antwort Doctoris

Albertini Luthers vor K. M.
vnd Fursten des Reichs
auff ansuchung der bü-
cher vnder seinem
namē außgangen
so er gefordert
auf den Reich-
stag gen
Wormbs.

Im Jhar. M. D. xxi.

78